

neni tia putukioa maku nuari

neni kusai tia putukioa maku nuari? 'akuni macaca 'ikua, matarava  
masini ka'anũ pa ku tavarũ'ũ, putukioa makananu sua musutampũ 'ikua.

'una kim ti'ingai 'uma na cimũũ. tia kara ku tũni tuisua ka'u'uma?  
koo pa mati'arangu cũpũngu maku.

manũng kara tuisua kesacu? tũni matisa'ũ cau aka, iakũũ takacicini  
tamna tanasũn. nakai tumatimana ku, kesacu noo patanamũ ia, mupacai  
kani, 'itumuru tia kiatuturua. tia kara ku tũni maca'ivi makasua patanamũ?  
ka'anũ pa manaturũ cũpũngu.

'una kincaua maku, 'esi tuisua kangkuhu. muru'ũ'ũ ku 'inia, sii paira  
noo cũ'ũũũn ia, maningcau nguain tamna tikuru. noo makari 'inia, paira  
macaca nguain tamna cimi'i, makai tantaniara macangcangaru. imua,  
karũ'ũn cau.

tumatuturu nguain, sua miacara musukũmũ ia, tia 'una sumasupini  
cũpũngu, tia 'una marũ'ũ cũpũngu, ka'anũ ma'icũpũ aracapici musukũmũ  
cau, ka'anũ ma'icũpũ cumacakũpũ. pacũpũngu ku, 'una kara ku makasua  
sumasupini cũpũngu? tia kara ku tũni makai 'inia, tantaniara sumingiacũ  
capai? tia pa ku pacũpũngu.

'una ucani putukioa kacaua cau manmaan 'inia, muru'ũ'ũ ku  
kangvang. sua isua ia takituturua. cini'ũraa maku takituturua ia, makai  
marũngũcai nguani tamna macũrang. tantaniara miacara seto, tumatuturu  
nguani tamna macũrang. noo 'una seto kesoni 'inia, 'una supina 'apu'iarũ  
marivari. 'apaco'e tarasangai cu nguani, noo 'una seto 'esi aka cũpũngu,  
nukai 'una musutupuku, 'una musukũmũ, takituturua kavangvang 'esi  
muranũ 'inia. imua, sua seto ia, marũ'ũ na nguani tamna takituturua.  
mamarang seto matua kangvang putucau na takituturua. koo pa ku  
cumacũ'ũra 'una cau puaka na takituturua.

tavarũ'ũ cu ku, takituturua sua cucuru pacũpũngũa maku. isua tia  
putukioa maku nuari. tia cu ku aranai soni tumatimana takituturua tamna  
kari, kipatusũ marisinatũ, matimanũngu takacicin tamna tina'an. nuari, noo  
cucuru tuisua cu takituturua ia, tia ku makai takituturua maku masini,  
muranũ kacaua seto.

我未來的志願

談談我未來的志願。當農人好嗎？但農人不論天氣炎熱或下雨，非要出門工作不可，我能忍受這樣的生活嗎？當警察也很不錯，可以去抓壞人。據說警察的訓練很嚴格，我可以通過那些訓練嗎？我的親友也有擔任護士的，受到親友們的歡迎，可是我的性格耐心夠嗎？這還要再思量。我非常羨慕老師，每天與學生相處，傳授他們的知識，當學生請教問題時，總是耐心的答覆每個問題，幫助同學成長。對了！老師就是我所嚮往的工作，我將朝這個方向努力。